



TGAU

4531/01

CYMRAEG

UNED 1

HAEN SYLFAENOL

A.M. DYDD IAU, 19 Ionawr 2012

2¹/₄ awr

DEUNYDDIAU YCHWANEGOL

Llyfr ateb 12 tudalen.

Deunydd Darllen ar gyfer Adran A.

CYFARWYDDIADAU I YMGEISWYR

Defnyddiwch inc neu feiro du.

Mae **tair** adran i'r papur hwn. Dylech ateb **pob** adran.

Mae **tri** cwestiwn yn Adran A.

Mae **un** cwestiwn yn Adran B - dewiswch **un** o'r testunau.

Mae **un** cwestiwn yn Adran C.

Ceisiwch gwblhau Adran A mewn tua 1¹/₄ awr er mwyn sicrhau bod gennych o leiaf 1 awr i gwblhau Adran B ac Adran C.

Ysgrifennwch eich atebion yn y llyfr ateb a ddarparwyd.

Ni chaniateir i chi ddefnyddio geiriaduron yn yr arholiad hwn.

GWYBODAETH I YMGEISWYR

Rhoddir nifer y marciau a geir mewn cromfachau ar ddiwedd pob cwestiwn neu ran o gwestiwn.

ADRAN A

Darllenwch y ddau ddarn darllen ac yna atebwch y **tri** chwestiwn.

Darn Darllen 1: Gwersyll yr Urdd Llangrannog

Darn Darllen 2: Papur Fama (Papur Bro ardal Yr Wyddgrug)

- Darllenwch y darnau darllen a'r cwestiynau cyfan yn ofalus. Yna, atebwch y cwestiynau gan ddefnyddio'r ffeithiau o'r darnau darllen yn unig.
- Wrth ateb dylech roi sylw i gywirdeb iaith a mynegiant. Rhoddir hyd at **10 marc** yn yr adran hon am ansawdd eich iaith a'ch mynegiant ar draws yr holl atebion.

1. Gwersyll yr Urdd Llangrannog (Darn Darllen 1)

Ar ôl darllen **Darn Darllen 1** atebwch y cwestiynau hyn yn eich geiriau eich hun:

- (i) Ym mha flwyddyn y cafodd Gwersyll yr Urdd Llangrannog ei agor? [1]
 - (ii) Enwch **bedwar** gweithgaredd sy'n cael eu cynnig yn y gwersyll. [2]
 - (iii) Enwch **ddau** beth y gallwch eu gwneud yng Nghanolfan Treftadaeth Caer Chwedlau. [2]
- [5]**

2. Gwersyll yr Urdd Llangrannog (Darn Darllen 1)

Ar ôl darllen **Darn Darllen 1** ysgrifennwch **gyfweliad** gyda pherson ifanc sydd wedi treulio wythnos yng Ngwersyll yr Urdd Llangrannog.

Dylech gyfeirio at:

- wybodaeth am y gwersyll
- y gweithgareddau
- y cyfleusterau. [18]

Ysgrifennwch ar ffurf **cyfweliad**. [2]

Defnyddiwch wybodaeth o **Darn Darllen 1** yn unig.

Dylech ddefnyddio **eich geiriau eich hun**.

Dylech ysgrifennu rhwng **un** a **dwy** dudalen.

[20]

3. **Gwersyll yr Urdd Llangrannog (Darn Darllen 1)**
Papur Fama (Darn Darllen 2)

Edrychwch ar y **ddau** ddarn darllen a dywedwch pa ddarn, yn eich barn chi, sy'n denu sylw'r darllenydd orau a pham.

Gallwch gyfeirio at rai o'r canlynol yn y ddau ddarn wrth roi **rhesymau dros eich barn**:

- y math o iaith
- nodweddion arddull
- bwriad yr awdur
- pwy yw'r darllenwyr
- y cyflwyniad e.e. defnydd o brint, lluniau neu liw.

Wrth drafod y ddau ddarn gyda'i gilydd, rhaid cyfeirio at **dri** pheth o Ddarn Darllen 1 a **thri** pheth o Ddarn Darllen 2.

Dylech enghreifftio neu ddyfynnu i brofi eich pwyntiau lle bo'n briodol.

[15]

[40 + 10 = 50]

TROSODD AR GYFER ADRAN B AC ADRAN C

ADRAN B

- Dewiswch **un** o'r testunau canlynol ac ysgrifennwch arno.
- Nodwch rif y cwestiwn.
- Dylai eich ateb fod rhwng **un** a **dwy** ochr.
- Meddyliwch a chynlluniwch eich gwaith yn ofalus.
- Rhowch sylw manwl i ysgrifennu'n gywir.

[20 + 20 = 40]

4. Naill ai:*(a)* **Darn Creadigol**

Rydych chi wedi bod ar ymweliad neu daith gyda'r ysgol.
Ysgrifennwch am eich profiadau a'ch teimladau mewn **dyddiadur**.

Neu:

(b) **Darn ffeithiol**

Rydych chi wedi bod ar ymweliad neu daith gyda'r ysgol. Ysgrifennwch **adroddiad** i bapur newydd yr ysgol yn sôn am yr ymweliad neu'r daith. Dylech roi manylion am yr hyn sydd wedi digwydd a ble buoch chi.

ADRAN C**5. Defnyddio Iaith**

Mae 11 gwall yn y darn isod.

Mae un gwall yn y pennawd wedi ei gywiro'n barod fel enghraifft i chi.

Antyr > Antur

Rhestrwch a chywirwch y **10** gwall arall yn eich llyfryn ateb.

Mae **dau** wall ym mhob brawddeg.

[10]**Canolfan Antyr Sir Benfro****Lleoliad**

mae Canolfan Antur Sir Benfro ar glan afon Cleddau. Mae'r ganolfan ddim yn bell o fynyddoedd y Preseli na'r mor.

Gweithgareddau

Mae'r ganolfan yn cynig llawer o weithgareddau dda. Rydym yn drefnu gweithgareddau ar gyfer grwpiau ysgol neu ir teulu.

Gwyliau

Mae'r ganolfan hwn yn darparu gwyliau gwell nag unrhyw le arall mewn y byd.



TGAU

4531/01-A

CYMRAEG

UNED 1

HAEN SYLFAENOL

A.M. DYDD IAU, 19 Ionawr 2012

2¹/₄ awr

DEUNYDD DARLLEN AR GYFER ADRAN A I'W DDEFNYDDIO GYDA HAEN SYLFAENOL

	Tudalen
Darn Darllen 1	2
Darn Darllen 2	3

DARN DARLLEN 1



cysylltwch â ni!
01239 652140
llangrannog@urdd.org

Dewch i weld
beth sydd
ar gael!

▼ LAWRLWYTHO

Amdanom ni

Mae Llangrannog yn un o dri gweryll Urdd Gobaith Cymru. Mae Gwersyll Llangrannog yn cynnig profiadau gwledig ac awyr agored penigamp i blant a phobl ifanc. Rydym yn croesawu dros 35,000 o blant ac oedolion yn flynyddol ar gyrsiau iaith, antur, addysg a hwyl!

Cafodd y gweryll ei agor yn 1932 a dyma weryll cyntaf Urdd Gobaith Cymru. Cafodd y tir ei roi i'r Urdd gan ddyn o'r enw J. M. Howell. Roedd lle i 150 o weryllwyr yn ystod haf poeth 1932. Ar y cychwyn doedd merched a bechgyn ddim yn y gweryll gyda'i gilydd. Yn 1938 cafwyd y gweryll cymysg cyntaf i fechgyn a merched.

Yn yr 1970au daeth llawer o newid a dechreuodd y gweryll agor trwy gydol y flwyddyn a chyflogi staff llawn amser. Mae ambell aelod o staff yn dal yma ers hynny!

Yn fwy diweddar cafodd y gweryll £5.5 miliwn i godi bloc cysgu newydd sbon, Cilborth, sydd â lle i dros 200 mewn ystafelloedd *en-suite*.

Gweithgareddau

Mae Gwersyll yr Urdd Llangrannog yn cynnig amrywiaeth eang iawn o weithgareddau:

- Llethr sgïo
- Pwll nofio
- Llwybrau cerdded
- Beiciau cwad
- Wal ddringo
- Marchogaeth ceffylau
- Cwrs rhaffau
- Beicio

Canolfan Hamdden Syr Ifan

Mae'r ganolfan yn cynnwys:

- Neuadd chwaraeon
- Pedwar cwrt badminton
- Cae astro
- Ystafell ffitrwydd
- Cae chwarae naturiol

Ymweliadau Dyddiol

Mae Canolfan Treftadaeth Caer Chwedlau yn adrodd hanes yr Urdd a'r iaith Gymraeg. Cewch ganu carioci, gwisgo fel Twm Siôn Cati a gwrando ar un o straeon T. Llew Jones. Mae yma oriel yn cynnwys gwaith arlunwyr lleol.

Cyfleusterau

Mae gennym gyfleusterau 4 seren (Croeso Cymru) yn cynnwys:

- Cyfleusterau te a choffi ar gael trwy gydol y dydd
- Ystafelloedd ymlacio gyda theledu
- Defnydd o gyfrifiadur
- Cyfleusterau golchi a sychu dillad.

Mae amrywiaeth o ystafelloedd cysgu ar gyfer grwpiau o bedwar, chwech neu wyth. Mae'r mwyafrif o ystafelloedd yn cynnwys *en-suite*.

Rydym yn paratoi pedwar pryd o fwyd y dydd - brecwast, cinio, te a swper gan gynnig dewisiadau iach. Rydym wedi ennill gwobr Curiad Calon am ein gwaith i sicrhau bwydlenni iach. Mae'r bwyd yn cael ei brynu'n lleol lle mae hynny'n bosib. Dyma enghraifft o fwydlen:

- Cig oer ffres neu beli pysgod/ salad amrywiol/ ffa pob/ sglodion/ iogwrt braster isel Llaeth y Llan.





Papur Fama

AELWYD Y CASTELL AR DAITH I'R GWERSYLL

Mae Aelwyd yr Urdd newydd sbon wedi ei sefydlu yn ardal Yr Wyddgrug ac mae pethau'n mynd o nerth i nerth. Dyma Awen, Swyddog Ieuenctid Menter Iaith Sir y Fflint, yn dweud yr hanes.

Dangoswyd diddordeb brwd mewn sefydlu Aelwyd yr Urdd yn ardal Yr Wyddgrug. Ar hyn o bryd, mae 28 o bobl ifanc y fro yn aelodau o Aelwyd y Castell. Mae'r aelwyd yn brofiad gwych i'r bobl ifanc. Dyma gyfle gwerthfawr i glywed y Gymraeg y tu allan i furiau'r dosbarth ac mae cymryd rhan yn y gweithgareddau yn datblygu hyder yr aelodau wrth siarad Cymraeg.

Os ydych chi yn y chweched dosbarth neu rhwng 16 a 25 mlwydd oed ac yn chwilio am gyfle i gymdeithasu drwy gyfrwng y Gymraeg, cysylltwch â mi ar y cyfeiriad awen@menteriaithsirfflint.co.uk. Rydym yn cyfarfod yn wythnosol ac yn cynnig amrywiaeth eang o weithgareddau gan gynnwys twrnament pŵl, cwis a bingo.

Rydym newydd ddychwelyd o Wersyll yr Urdd Glan-llyn ar ôl treulio tridiau yn cymryd rhan mewn gweithgareddau cyffrous. Dyma adroddiad gan un o aelodau'r aelwyd a fu ar y daith.

Adroddiad Rhiannon Owen

Bwriad y daith hon i Lan-llyn oedd dod i adnabod ein gilydd yn well drwy gymryd rhan mewn gweithgareddau adeiladu tîm a chodi hyder. Ar ôl rhannu'n dri grŵp cafodd pob grŵp ŵy i'w enwi a'i addurno. Roedd yn rhaid i ni fynd â'r ŵy gyda ni i bob gweithgaredd – a'i gadw'n gyfan!

Cawsom chwarae gemau fel 'Dal y llygoden' ac 'Amynedd' cyn mynd i lawr at y llyn a gwlychu o'n corun i'n sawd!! Buom yn chwarae cuddio gyda'r nos ond gan ei bod yn dywyll fel bol buwch cawsom dipyn o ofn!



Ar ôl brecwast ar yr ail fore cawsom sesiwn ar y cwrs rhaffau uchel yn dringo, neidio a siglo. Aethom ar y llyn ar ôl cinio er gwaetha'r gwynt a'r glaw. Mi wnaeth sawl person gwallgo neidio allan o'u canws i ddŵr iasoer y llyn.

Ar y bore olaf, cawsom ein gwobrwyo ac yna roedd rhaid ffarwelio. Yn anffodus, nid fy nhîm i enillodd ond diolch byth nad ni oedd yn olaf. Cafodd y tîm olaf lond plât o hufen yn eu hwynebau!

Roedd hwn yn brofiad gwych i gymdeithasu drwy gyfrwng y Gymraeg. Fedrwn ni ddim aros tan y cyfle nesaf i wneud rhywbeth tebyg.





TGAU

4531/01-B

**CYMRAEG
WELSH**

UNED 1

UNIT 1

**HAEN SYLFAENOL
FOUNDATION TIER**

A.M. DYDD IAU, 19 Ionawr 2012

A.M. THURSDAY, 19 January 2012

2¼ awr

2¼ hours

**Er gwybodaeth i'r Swyddog Arholiadau
For the attention of the Examinations Officer**

DEUNYDDIAU YCHWANEGOL

Llyfr ateb 12 tudalen.

Deunydd Darllen ar gyfer Adran A.

CYFARWYDDIADAU I YMGEISWYR

Defnyddiwch inc neu feiro du.

Mae **tair** adran i'r papur hwn. Dylech ateb **pob** adran.

Mae **tri** chwestiwn yn Adran A.

Mae **un** cwestiwn yn Adran B - dewiswch **un** o'r testunau.

Mae **un** cwestiwn yn Adran C.

Ceisiwch gwblhau Adran A mewn tua 1¼ awr er mwyn sicrhau bod gennych o leiaf 1 awr i gwblhau Adran B ac Adran C.

Ysgrifennwch eich atebion yn y llyfr ateb a ddarparwyd.

Ni chaniateir i chi ddefnyddio geiriaduron yn yr arholiad hwn.

GWYBODAETH I YMGEISWYR

Rhoddir nifer y marciau a geir mewn cromfachau ar ddiwedd pob cwestiwn neu ran o gwestiwn.

ADDITIONAL MATERIALS

A 12 page answer booklet.

Reading Material for Section A.

INSTRUCTIONS TO CANDIDATES

Use black ink or black ball-point pen.

*There are **three** sections in this paper. You should answer **all** sections.*

*There are **three** questions in Section A.*

*There is **one** question in Section B - choose **one** of the topics.*

*There is **one** question in Section C.*

You are advised to spend approximately 1¼ hours to complete questions in Section A so that you may spend at least 1 hour on Section B and Section C.

Write your answers in the answer booklet provided.

Dictionaries are not permitted in this examination.

INFORMATION FOR CANDIDATES

The number of marks is given in brackets at the end of each question or part-question.